

遠援以守其國家持其社稷故縱橫倫短生
 焉申子者韓昭釐之佐韓晉別國也地數民
 險而介於大國之間晉國之故禮未滅韓國
 之新法重出先君之令未收後君之令又下
 新故相反前後相繆百官背亂不知所用故
 刑名之書生焉秦國之俗貪狼也強力寡
 義而趨利可威以刑而不可化以善可勸以
 賞而不可厲以名被險而帶河四塞以為固
 地利形便蓄積殷富孝公欲以虎狼之勢而
 吞諸侯故商鞅之法生焉若劉氏之書淮南
也觀天地之象通古今之事推事而立制度
 形而施宜原道之心合三王之風以儲與危
 治儲與猶備也玄眇之中精搖靡覽精人指
指也棄其珍擊擊人指斟其淑靜
 以統天下理萬物應變化通殊類非循一跡
 之路守一隅之指拘繫牽連於物而不與世
 推移也故置之尋常而不塞布之天下而不
 究究極也布之天
下舉大不究也

淮南鴻烈要畧問詰卷之二十八

抱朴子內篇序

卷六

洪體之超逸之才偶好無為之素假令奮翅
 則能凌厲玄霄騰足則能追風躡景猶故欲
 載動翻於鸞鶴之群藏逸跡於破驢之伍豈
 況大塊稟我以尋常之短羽造化假我於至
 鷲之蹇足以自卜者審不能者止豈敢力蒼
 蠅而慕沖天之舉策跛鸞而追飛兔之軌飾
 嫫母之陋醜求媒揚之美談堆沙礫之賤質
 索千金於和肆哉夫以瘴瘴之步而企及夸
 父之蹤近才所以蹢閑也以要離之贏而強
 赴扛鼎之契或作秦人所以斷筋也是以望
 絕於榮華之徒而志安乎窮否之境藜藿有
 八珍之甘而蓬藋有蔞稅之樂也故權貴之
 家雞咫尺弗從也知道之士雖艱遠必造也
 考覽奇書既不少矣罕多隱語難可卒解自
 非至精不能尋究自非篤勳不能悉見也道
 士淵博洽聞者寡而意斷妄說者眾至於時
 有好事者欲有所修為者卒不知所從而意
 之所疑又無可詰問今為此書粗舉長生之
 理其至妙者不得宜之於翰墨蓋羸言較畧

以示一隅莫辨憤之徒省之可以思過半矣
 豈為暗塞必能窮微暢達乎聊論其所先舉
 耳世儒徒知伏膺周孔桎梏皆死莫信神仙
 之事謂為妖妄之說見余此書不特大笑之
 又將謗毀真正故不以合於世余所著子書
 之數而則為此一部名曰內篇凡二十卷與
 外篇各起次第也雖不足以藏名山石室且
 欲緘之金匱以示識者其不可與言者不今
 見也貴使來世好長生者有以釋其惑豈求
 信於不信者乎葛洪稚川謹序